


薩波婁多部毗尼摩得勒伽

才一

三百四十五  
諸一

50180



Vertical text stamp or seal, possibly containing Chinese characters.

薩婆多部毗尼摩得勒伽卷第一

諸

宋三藏法師

僧伽跋摩

譯

初毗尼衆事分

前頂禮卍尊

法王聖種子

降伏諸惡行

善調諸弟子

毗尼爲最勝

我今說少分

如樹根爲本

枝葉依彼增

一切善法取

毗尼爲根本

大覺之所說

如堤塘防水

大駛流不壞

如是毗尼堤

防諸惡戒水

佛及諸菩薩

最爲人中尊

辟支佛清淨

牟尼諸弟子

應供阿羅漢

亦說毗尼因

以離諸有縛

今離及當離

皆住毗尼中

離是無解脫

是故精勤學

聖眾和合僧

諸佛秘密藏

在世常不滅

法燈照世間

離則不寂滅

問犯毗尼罪作無作耶答犯罪作無作色非

色耶答是色可見不可見耶答或可見或不

可見云何可見謂身作云何不可見謂身無

作及口作無作有對無對耶答若作是有對

無作是無對有漏無漏耶答有漏有為無為

耶答有為世間法出世間法耶答世間法陰

攝不攝耶答陰攝界攝不攝耶答界攝問罪

受不受耶荅不受

此受如不離根也

從受生非

受生耶荅從受生

此受四受也

四大造非四大

造耶荅四大造從結生非結生耶荅從結生

記無記耶荅或記或無記云何記佛所結戒

故犯云何無記佛所結戒不故犯隱沒不隱

沒耶荅或隱沒或不隱沒云何隱沒佛所結

戒故犯云何不隱沒佛所結戒不故犯如隱

沒不隱沒穢汚不穢汚亦如是染汚不染汚

耶荅染汚依家不依家耶荅依家

問罪有諍無諍耶荅有諍有緣無緣耶荅無

緣心非心耶荅非心心數非心心數耶荅非心

數有報無報耶荅或有報或無報云何有報

有記犯云何無報無記犯業非業耶答是業  
內入外入耶答外入過去未來現在耶答或  
過去或未來或現在云何過去若犯罪竟已  
懺悔是過去云何未來若未犯罪必當犯是  
未來云何現在若犯罪不發露悔過是現在  
問罪為善不善無記耶答或不善無記云何  
不善佛所結戒故犯云何無記佛所結戒不  
故犯記無記前已說為欲界色界無色界攝  
耶答欲界攝為學無學非學非無學耶答非  
學非無學見斷修斷無斷耶答修斷為身為  
口為意罪耶答或身或口云何身若比丘故  
奪眾生命偷盜作姪摩觸身故出精殺草木

自手掘地非時食飲酒等此是身罪云何口  
罪若比丘空無所有說過人法共女人麁惡  
語無淨人爲女說法等是口罪無獨心犯罪  
問頗有行此事犯罪即行此事不犯耶答或  
有犯或不犯云何犯如比丘不受迦絺那衣  
受畜長衣別衆食處處食不白入聚落等隨  
其事犯罪云何不犯若比丘受迦絺那衣隨  
意畜衣別衆食處處食不白入聚落隨其事  
不犯是故即行此事犯不犯  
問頗有作此羯磨犯即作此羯磨不犯耶答  
有如此比丘不見擯惡邪不除擯向諸比丘下  
意調伏隨順諸比丘界外爲出罪隨其事犯

去何不犯如比丘作不見擯惡邪不除擯是  
比丘向諸比丘下意調伏隨順諸比丘界內  
為出罪不犯是故行此羯磨犯不犯

問頗有說羯磨犯即說此羯磨不犯耶答有  
云何說羯磨犯如比丘不見擯惡邪不除擯  
是比丘向諸比丘下意調伏隨順諸比丘界  
外與出罪已共食共住共宿諸比丘問是比  
丘言長老是比丘不見擯惡邪不除擯汝等  
莫與是比丘共食共住共宿彼答言是長老  
比丘下意調伏隨順我等已界外與出罪隨  
其事犯云何不犯諸比丘擯不見擯惡邪不  
除擯比丘是比丘向諸比丘下意調伏隨順

諸比丘界內與出罪已共食共住共宿諸比丘語是比丘言此長老比丘不見擯如上說諸比丘答言此長老比丘下意調伏隨順已與出罪諸比丘問言何處答言界內界內出罪不犯是故即說此羯磨犯不犯

問頗有說犯說不說亦犯耶答有云何說犯若比丘於五篇戒一一犯已自說犯是名說犯云何說不說犯若比丘於五篇戒一一犯已或說或不說亦故犯是故說不說犯

問頗有犯自說犯他說犯耶答有云何自說犯若比丘於五篇戒中若一一犯已向他說是名自說犯云何他說犯如諸比丘信可信

優婆夷語如法治比丘是名他說犯

問頗有憶犯不憶亦犯耶答有去何憶犯若  
比丘於五篇戒中一一犯已或都憶或少憶  
是名憶犯去何不憶犯若比丘於五篇戒一  
一犯已都不憶或少不憶是名不憶犯

問頗有現前犯不現前犯耶答有去何現前  
犯若現在前犯罪去何不現前犯謂現前不  
犯罪

問頗有犯惡邪見罪不共住即以此事種種  
不共住耶答有如不見擯惡邪不除  
問頗有作此羯磨不共住即作此羯磨種種  
不共住耶答有如前說

問頗有說羯磨不共住即說此羯磨種種不  
共住耶答有如上廣說

問頗有自言不共住自言種種不共住耶答  
有此事應廣說

問頗有犯事僧作羯磨即以此事衆多比丘  
若二若一得作羯磨耶答有云何比丘犯罪  
僧諸作羯磨卷若比丘尼僧與比丘作不禮拜羯  
磨不共語羯磨不供養羯磨是名僧作羯磨  
衆多二一比丘亦如是

問頗有即以此事作苦切羯磨即以此事作  
驅出羯磨即以此事作擯羯磨折伏羯磨耶  
答有義說得彼三句五句如修多羅說不成

作苦切異驅出異擯異折伏異餘三作句亦如是

問頗有犯此事波羅夷即犯此事僧伽婆尸沙耶  
答有若比丘尼摩觸身波羅夷比丘摩觸僧伽婆尸沙

問頗有犯是事波羅夷即犯此事波夜提耶  
答有比丘尼覆藏鹿罪波羅夷比丘覆藏鹿罪波夜提

問頗有犯是事得波羅夷即犯此事突吉羅耶  
答有若比丘尼隨順擯比丘得波羅夷比丘隨順擯比丘突吉羅

問頗有行此事犯僧伽婆尸沙即行此事犯

波夜提耶荅有若比丘故出精僧伽婆尸沙  
比丘尼故出精波夜提

問頗有行此事犯僧伽婆尸沙即行此事犯  
突吉羅耶荅有若比丘尼勸比丘尼染污心  
男子邊受衣食等僧伽婆尸沙比丘勸犯突

吉羅

諸

卷

五

嚴

問頗有行此事犯波夜提即行此事犯波羅  
提提舍尼耶荅有若比丘尼索美食犯波羅  
提提舍尼比丘犯波夜提

問頗有行此事犯波羅提即行此事犯突吉  
羅耶荅若有比丘尼淨生草上大小便波夜  
提比丘突吉羅

問頗有行此事染汚比丘尼不得出家不得  
受具足戒即行此事染汚比丘尼得與出家  
得與受具足戒耶答有非梵行染汚比丘尼  
此人不得與出家不得與受具足戒身摩觸  
汚染比丘尼者此人得與出家得與受具足  
戒問賊住人不得與出家受具足戒頗有行此  
事得與出家受具足戒耶答有若經二三布  
薩羯磨者此人不得與出家受具足戒若經  
一布薩或不經者此人應出家受具足戒問  
破僧人不得與出家受具足戒頗有即行此  
事得與出家受具足戒耶答有非法想破僧  
者不得與出家受具足戒法想破僧者得與

出家受具足戒

問若人殺母不得與出家受具足戒即行此事得與出家受具足戒耶答有若作母想殺者不得與出家受具足戒若作餘想殺者得與出家受具足戒如殺母殺父阿羅漢亦如是優波離問佛言世尊有善心殺母不善無

記心殺母耶佛語優波離有善心殺母不善心無記心殺母云何善心殺母若母重病莫令久受苦惱故奪命是名善心殺母云何不善心殺母若爲財物若爲妻子故故奪母命是名不善心殺母云何無記心殺母或斫樹斫壁斫地而誤殺母是名無記心殺母

又復問佛言善心殺母得波羅夷得逆罪耶  
又復善心殺母不犯波羅夷不得逆罪耶佛  
言有云何善心殺母得波羅夷得逆罪若母  
重病如前說是名善心殺母得波羅夷得逆  
罪云何善心殺母不得波羅夷不得逆罪若  
母病使母服藥時藥等因是命終不犯波羅  
夷不得逆罪

諸一卷

六

唐

又復問佛言不善心殺母犯波羅夷得逆罪  
不善心殺母不得波羅夷不得逆罪耶佛言  
有云何不善心殺母得波羅夷得逆罪若為  
財物等故如前說云何不善心殺母不得波  
羅夷不得逆罪若殺他母羊母鹿母等是不

善心殺母不得波羅夷不得逆罪

又復問佛言無記心殺母犯波羅夷得逆罪  
無記心殺母不得波羅夷不得逆罪耶佛言  
有去何無記心殺母得波羅夷得逆罪先作  
殺母方便眠後母死得波羅夷得逆罪是無  
記心殺母得波羅夷得逆罪云何無記心殺  
母不得波羅夷不得逆罪若斫樹等如前說  
是無記心殺母不得波羅夷不得逆罪

又復問佛言共住淨行比丘在界內不和合  
僧作羯磨成作羯磨不犯耶佛言有如來阿  
羅呵三藐三佛馱

又闍頗有比丘五種說波羅提木义一一說

波羅提木又作布薩成作布薩耶答有謂三語布薩

又問如佛所說白衣在僧中僧作布薩說波羅提木又成說波羅提木又不犯戒耶答有瓶沙王因緣此中應廣說

問頗有善心犯戒不善心犯戒無記心犯戒

諸卷

七

耶答有云何善心犯戒如新出家比丘未知戒相自手淨地拔生草若經行處採華鬘鬘此善心犯戒云何不善心犯戒佛所結戒故犯云何無記心犯戒佛所結戒不故犯問阿羅漢善心犯戒不善無記心犯戒耶答有若阿羅漢犯戒一切皆無記心犯云何無

記心犯戒若阿羅漢眠已有人舉著高床上  
或女人盜入房宿與未受具戒人二夜宿已  
後復盜入宿是名無記心犯戒

問若破僧一劫皆一劫壽耶若壽一劫皆悉  
破僧耶作四句或破僧非一劫壽或一劫壽  
非破僧或破僧亦一劫壽或非破僧非一劫  
壽云何破僧非一劫壽若法想破僧云何一  
劫壽非破僧伊羅龍王善建立龍王摩那斯  
龍王金婆羅龍王鬱多羅龍王提梨咤龍王  
迦羅龍王難陀龍王漚鉢難陀龍王及梵富  
婆天此一劫壽非破僧云何一劫壽亦破僧  
謂調達云何非破僧亦非一劫壽除是句

問破僧不生一劫罪或生一劫罪非破僧耶  
答有云何破僧不生一劫罪法想破僧是法  
想破僧不生一劫罪云何壽一劫罪非破僧  
伊羅龍王等除梵富樓天云何破僧亦生一  
劫罪謂調達云何非破僧不生一劫罪除是  
句

問若破僧一切皆邪定耶作四句云何破僧  
非邪定法想破僧云何邪定非破僧謂殺母  
殺父阿羅漢惡心出如來血是邪定非破僧  
云何邪定亦破僧謂調達云何非邪定非破  
僧除是句

問一切破僧明無明耶作四句云何非明非

無明法想破僧去何無明非明非破僧謂六  
師等去何破僧亦明亦無明謂調達去何非  
破僧非明非無明除是句

又問佛言世尊唯比丘破僧非比丘尼式又  
摩那沙彌沙彌尼耶佛語優波離比丘破僧  
非比丘尼非式又摩那非沙彌沙彌尼唯助

破僧耳

諸

一卷

八

問唯比丘尼破比丘尼僧非比丘式又摩那  
等如前說

問破僧成就為罪成就耶優波離破僧成就  
破僧者成就罪破僧犯何等罪謂偷羅遮破  
僧已懺悔何等罪謂僧伽婆尸沙

問若一切受法皆不共住耶作四句云何受  
法非不共住謂若受五法是受法非不共住  
云何不共住非受法若犯一一波羅夷罪不  
受五法是非受法是不共住云何受法亦不  
共住謂受五法犯一一波羅夷罪云何非受  
法亦非不共住除是句

問若一切受法皆種種不共住耶作四句答  
有云何種種不共住非受法謂不見擯惡邪  
不除擯

問頗有不共住即一切種種不共住耶作四  
句種種不共住非不共住如惡邪不除頗有  
擯羯磨即墮羯磨耶答有擯羯磨即墮羯磨

云何羯磨云何羯磨事所起罪是羯磨懺悔  
是羯磨事

云何迦絺那云何受迦絺那云何捨迦絺那  
謂衣是迦絺那發起九種心是受迦絺那八  
事是捨迦絺那

問頗有取三錢犯波羅夷耶答有若迦梨仙

諸

卷九

直十二錢問頗有取十錢或取五錢犯波羅  
夷耶答有若迦梨仙直四十錢或直二十錢  
問頗有減與犯減與不犯耶答有下白減與  
犯波夜提黑減不犯  
問頗有增益犯增益不犯耶答增黑犯波夜  
提增白不犯

問頗有等量犯等量不犯耶答有佛衣等量  
犯波夜提身等量不犯

問頗有不作犯作不犯耶答有得新衣不三  
壞色犯波夜提壞色不犯

問頗有比丘入初禪時犯偷羅遮入已犯僧  
伽婆尸沙耶答有若比丘語餘比丘言與我  
作房作是語已入初禪入已房成犯僧伽婆  
尸沙入第二第三第四禪亦如是或非比丘  
時犯比丘時淨或比丘時犯非比丘時淨云  
何非比丘時犯比丘時淨若比丘尼時犯不  
共僧伽婆尸沙彼轉根作比丘得淨是非比  
丘時犯比丘時淨云何比丘時犯非比丘時

淨若比丘犯不共僧伽婆尸沙彼轉根作比丘尼得淨

問頗有不知時犯知時淨知時犯不知時淨耶答有云何不知時犯知時淨若比丘眠熟有人舉著高床上如前說彼覺已如法除滅是名不知時犯知時淨云何知時犯不知時

淨若比丘犯僧伽婆尸沙阿浮呵那時聞白已睡眠眠中羯磨竟是名知時犯不知時淨問頗有一方便中犯三波羅夷耶答有若比丘語彼人言汝知我說過人法殺某人又盜某重物是名一方便犯三波羅夷問頗有比丘尼一方便犯四波羅夷耶答有

如比丘尼共期汝見我隨順擯比丘時殺某人盜某重物汝知我得羅漢是名比丘尼一方便犯四波羅夷

問頗有比丘一坐處犯一切五偏戒耶答有若比丘學家中自手受法隨尼蒲闍尼犯波羅提提舍尼偏割食犯突吉羅無淨人爲女說法過諸五六語卷犯波夜提十向女人說麁惡語犯僧伽婆尸沙空無所有說過人法犯波羅夷

問頗有比丘作一方便犯百千罪耶答有若比丘瞋恚若沙若豆散擲諸比丘隨所著犯波夜提

問頗有比丘盜取重物離本處不犯波羅夷  
耶荅有若取非人重物

問頗有比丘亦未曾犯戒乃至突吉羅是非  
比丘耶荅有謂失根者

問頗有比丘尼未曾犯戒乃至突吉羅是非  
比丘尼耶荅有謂失根者

問頗有比丘獨在房中犯四波羅夷耶荅有  
若比丘男根長自下部作姪先作盜方便殺  
人方便妄語方便我是阿羅漢

問頗有比丘在房中於彼失衣破安居耶荅  
有若比丘結坐已未自恣衣著床上不受七  
夜在空中明相出時破安居失衣

問頗有比丘殺比丘尼非母非阿羅漢犯波羅夷得逆罪耶答有若父出家受具足戒轉根作比丘尼

問頗有比丘尼殺比丘非父非阿羅漢得波羅夷得逆罪耶答有母出家受具足戒轉根作比丘

問頗有比丘諸作非梵行土犯波羅夷作非梵行不犯波羅夷耶答有若生女人女根不壞陳作姪犯波羅夷若壞不犯波羅夷

問頗有盜犯波羅夷盜不犯波羅夷耶答有若取人重物犯波羅夷若取非人重物不犯波羅夷

問頗有殺人犯波羅夷殺人不犯波羅夷耶  
答有是人作人想殺犯波羅夷若異想殺不  
犯欲殺非人而殺人不犯波羅夷

問頗有比丘說過人法犯波羅夷說過人法  
不犯波羅夷耶答有若不異想說過人法犯  
波羅夷若增上慢說不犯波羅夷

問頗有犯此事得波羅夷即犯此事不犯波  
羅夷耶答有若比丘尼摩觸身犯波羅夷比  
丘摩觸不犯波羅夷比丘尼隨順擯比丘波  
羅夷比丘隨順不犯波羅夷比丘尼覆藏鹿  
罪波羅夷比丘覆藏不犯波羅夷  
問頗有犯此事僧伽婆尸沙即犯此事不犯

僧伽婆尸沙耶荅有若比丘故出精犯僧伽  
婆尸沙比丘尼出精不犯僧伽婆尸沙比丘  
摩觸身僧伽婆尸沙比丘尼不犯僧伽婆尸  
沙比丘尼染污心男子邊受食等犯僧伽婆  
尸沙比丘不犯僧伽婆尸沙

問頗有犯此事得波夜提即犯此事不犯波  
夜提耶荅有若比丘覆藏麁罪犯波夜提比  
丘尼不犯波夜提若比丘不病索美食犯波  
夜提比丘尼不犯波夜提若比丘尼於淨生  
草上大小便犯波夜提比丘不犯波夜提

問頗有犯此事犯波羅提提舍尼而犯此事  
不犯波羅提提舍尼耶荅有若比丘尼索美

食犯波羅提提舍尼比丘不犯波羅提提舍尼罪

問頗有行此事犯突吉羅即行此事不犯突吉羅耶答有比丘淨生草上大小便犯突吉羅比丘尼不犯突吉羅比丘尼齊下著衣突吉羅比丘不犯突吉羅

諸

卷

十二

王

問頗有比丘犯戒時淨淨時犯耶答有若比丘於女人前說麁惡語轉根是名犯時淨云何淨時犯若比丘犯僧伽婆尸沙阿浮呵那時捨合掌覆頭身不齊整盡地斷草是淨時

犯

問頗有捨異界得自然界耶答有捨羯磨界

得聚落界

問頗有餘人語餘人得波羅夷餘人語餘人  
得僧伽婆尸沙耶答有若比丘作破僧方便  
污他家乃至三諫不捨得僧伽婆尸沙

問頗有餘人語餘人得波夜提耶答有若比  
丘惡邪見乃至三諫不止犯波夜提

問頗有餘人語餘人犯波羅提提舍尼耶答  
有比丘尼為比丘索食犯波羅提提舍尼

問頗有餘人作語餘人犯突吉羅耶答有如  
佛所說若比丘半月半月說波羅提木叉時

憶有罪不發露得突吉羅

問如佛所說無有比丘尼捨戒更得出家受

具足戒頗有比丘尼捨戒更出家受具足戒  
耶答有若比丘尼捨戒已轉根作男子更與  
出家受具足戒成出家得具足戒

如佛所說犯邊罪人不得與出家不得與受  
具足戒頗有犯邊罪得與出家得與受具足  
戒成出家得具足戒耶答有若比丘尼犯不

諸一卷

三

五

共波羅夷罪彼捨戒轉根成男子得與出家  
受具足戒成出家得具足戒優波離問佛言  
世尊有幾種羯磨佛語優波離有百一種羯  
磨又問幾白羯磨幾白二羯磨幾白四羯磨  
答二十四白羯磨四十七白二羯磨三十白  
四羯磨又問此百一羯磨幾有欲幾無欲答

除結界羯磨餘者皆有與欲又問幾羯磨攝一切羯磨耶答三羯磨攝一切羯磨謂白羯磨白二白四羯磨又問餘人不語亦不作身方便而犯波羅夷耶答有比丘尼見比丘尼犯麤罪覆藏不發露得波羅夷

問頗有犯四偏戒不發露懺悔而得清淨耶答有若比丘犯不共四偏戒彼轉根作比丘尼即得清淨

又問頗有比丘尼犯五篇戒不發露懺悔而得清淨耶答有若比丘尼犯不共五篇戒彼轉根作比丘即得清淨

又問頗有比丘殺人不起波羅夷耶答有二

人共一處欲殺此人而殺彼人

又問頗有餘人作姪餘人得波羅夷耶答有  
若比丘尼見比丘尼作姪覆藏不發露明相  
出得波羅夷

問頗有比丘行時犯五篇戒耶答有若比丘  
到學家中自手受食犯波羅提提舍尼偏割  
食犯突吉羅無淨人為女說法過五六語犯  
波夜提於女人前麁惡語犯僧伽婆尸沙空  
無所有說過人法犯波羅夷

又問若有人非律說律者何處求戒相答二  
波羅提木叉中十七事毗尼事中增一中目  
多伽因緣中共不共毗尼中結戒中結地中

空行中轉根中求

問頗有不離一切趣趣所繫不於勝法中出家復不盡漏而取無餘般涅槃耶答有謂化人殺彼得何罪答偷羅遮佛所說毗尼衆分事竟

問四波羅夷初

佛住舍衛國祇樹給孤獨園諸一卷爾時優波離問

佛言世尊有比丘以呪術仙藥化作畜生已共作姪得何罪答若自知比丘想我是比丘作不可事者犯波羅夷若不自比丘想犯偷

羅遮

又問若比丘呪術仙藥化作畜生女已共作

姪犯何罪答若自比丘想犯波羅夷若不自  
比丘想偷羅遮二比丘呪術仙藥化作畜生  
共作姪得何罪答若自比丘想犯波羅夷不  
自比丘想偷羅遮非人女亦如是云何非人  
女邊作姪犯波羅夷謂舉身可捉畜生女亦  
如是若不可捉共作姪若精出犯僧伽婆尸  
沙不出犯偷羅遮云何口中作姪犯波羅夷  
答若過節犯波羅夷不過偷羅遮若中破列  
三瘡門不壞犯波羅夷若頭斷從咽喉處入  
偷羅遮若精出犯僧伽婆尸沙云何瘡門壞  
答若瘡門周帀壞於彼作姪偷羅遮精出僧  
伽婆尸沙云何大便道作姪犯波羅夷耶答

為過皮至節小便道亦如是不觸三瘡門邊  
入偷羅遮云何女人瘡門壞若一切壞半  
壞入偷羅遮精出僧伽婆尸沙女人中截垂  
不噉不燒三瘡門不壞入犯波羅夷若多虫  
噉若燒入偷羅遮精出僧伽婆尸沙生女亦  
如是生女女根半壞入波羅夷無毛熟母膻  
邊作姪諸入偷羅遮精出僧伽婆尸沙卷頗有此五  
丘獨在房中犯波羅夷耶若若有男根長自口  
及大便道作姪若蚊蠅為枯作姪波羅夷  
問頗有比丘小便中作姪不犯波羅夷耶若  
若有截已作姪或截女根已作姪或俱截作  
姪偷羅遮

問頗有比丘於小便道小便道入不犯耶答  
入小便器中

問頗有比丘俱有枯作姪不犯波羅夷耶答  
有鼻中作姪又以厚衣纏之或以簞盛作姪  
偷羅遮精出僧伽婆尸沙

問頗有比丘於女人邊作姪不犯波羅夷耶  
答有初作者於二根邊作姪波羅夷石女邊  
作姪根小不入偷羅遮精出僧伽婆尸沙云  
何受樂受樂有何義答若身心得樂是受樂  
義本犯戒人作姪得突吉羅

問初波羅夷事竟

佛住王舍城介時尊者優波離問佛言世尊

若比丘自作二四十八人數取分云何如法云  
何非法答前者如法後者非法得何罪答若  
事辦物滿五錢波羅夷不滿偷羅遮自當二  
八十八人數亦如是

問頗有比丘餘人作語移物著處處犯波羅  
夷耶答有謂移碁子著餘處犯波羅夷若商  
客語比丘汝等不輸稅當度我輸稅物若比  
丘度稅物過稅處事滿波羅夷未過稅處偷  
羅遮若使諸商人餘道去彼諸商人不從稅  
道去過稅處偷羅遮若比丘先不知餘比丘  
於鍼囊中盜著稅物過囊主不犯著者事滿  
波羅夷不滿偷羅遮若比丘語無臘比丘言

擔是物去犯偷羅遮過稅處滿波羅夷無臘  
比丘不問突吉羅空中度稅物從稅處度偷  
羅遮餘處度不犯若比丘持不可量物度稅  
處滿波羅夷若自度己物過稅處滿波羅夷  
若未受具戒時作方便未受具戒時取突吉  
羅未受具足時作方便受具戒時取突吉羅  
未受具戒時作方便受具戒已取偷羅遮九  
句亦如是廣說若比丘取衣架滿五錢犯波  
羅夷不滿偷羅遮頗有比丘偷金錢不犯波  
羅夷耶答有若取天龍鬼神錢若比丘欲取  
衣架合衣持去當數衣架滿波羅夷不滿偷  
羅遮若衣離架若滿波羅夷不滿偷羅遮若

諸

卷

十六

比丘使比丘爲餘人故取物彼起盜心取俱  
得波羅夷若比丘他不使盜而爲他盜取偷  
羅遮若比丘欲取劫貝衣而取芻麻衣偷羅  
遮展轉取亦如是若比丘語比丘於七種衣  
中使取一一衣彼起盜心而自取波羅夷示  
彼而取偷羅遮疑心取偷羅遮

如佛所說若取五錢犯波羅夷取何等五錢  
犯波羅夷耶荅二十錢云何錢謂迦呵那一  
迦梨仙直四迦呵那云何滿謂相言諍

問頗有比丘取物不離本處而犯波羅夷耶  
荅有謂田宅等若比丘取樹上果滿波羅夷  
不滿偷羅遮若取瞿耶尼物得何罪荅若月

此間迦梨仙滿波羅夷不用此間迦梨仙者  
偷羅遮

問頗有比丘偷銅錢犯波羅夷耶答有若迦  
梨仙直二十銅錢若有比丘破倉取穀當取  
穀當取初方便若滿波羅夷不滿偷羅遮若  
比丘取衆多物波羅夷

問頗有比丘取金像諸卷不犯波羅夷耶答有若

不直五錢偷羅遮金鬘亦如是

問頗有比丘取水器犯波羅夷耶答有若直  
五錢若比丘取金金末壞相當數直若滿波  
羅夷不滿偷羅遮若比丘貸物言不貸故妄  
語波夜提不還偷羅遮若比丘受他寄索時

言不受故妄語波夜提物離本處滿波羅夷  
若主聽偷羅遮若比丘取迦梨仙若滿犯波  
羅夷不滿偷羅遮若比丘取減五錢物偷羅  
遮賊往偷盜犯突吉羅若經羯磨白二白四  
羯磨者犯本犯戒人偷盜突吉羅學戒人偷  
盜突吉羅本不和合人偷盜犯突吉羅去何  
離處若物在本處移著餘處  
問頗有比丘白四羯磨受具足戒四波羅夷  
中一一不犯而非比丘耶答生二根

### 問第二波羅夷事竟

問若比丘呪術仙藥呪他作畜生而殺犯波  
羅夷頗有比丘殺母不犯波羅夷不得逆罪

耶荅有欲殺餘人而殺母犯偷羅遮欲殺母而殺他偷羅遮二人沒水中欲殺此人而殺彼人犯偷羅遮欲殺凡人而殺阿羅漢偷羅遮不得逆罪欲殺阿羅漢而殺凡夫偷羅遮欲殺阿羅漢而殺阿羅漢犯波羅夷得逆罪若比丘墮胎得波羅夷問餘母人墮胎餘母人取飲後生兒餘女人養殺何等母得波羅夷得逆罪耶荅墮胎者欲出家時當問何者荅謂養者問頗有比丘墮畜生胎犯波羅夷耶荅有謂畜生懷人胎者問若比丘墮人胎不犯波羅夷耶荅有謂人懷畜生胎者若使人高處擲下入水火等當得安隱彼即自擲

入水火等死者得波羅夷欲殺母而殺父偷  
羅遮不得逆罪欲殺父而殺母得偷羅遮第  
三波羅夷

若比丘言我於四沙門果退波羅夷我已得  
復失不說沙門果偷羅遮若言得四沙門果  
而失犯波羅夷若言我是學人意在功巧偷

羅遮若三沙門諸果中說一大果犯波羅夷若

言我無所有無貪欲瞋恚犯波羅夷於今是

最後生犯波羅夷如我相似餘人問言有何

相似答言得聖法犯波羅夷若比丘到居士

家言誰語汝我是阿羅漢不實語故偷羅遮

比丘到居士家言汝得大利我出入汝家彼

問言長老有何等利答自說聖法得波羅夷  
若比丘語施主受用汝房者是阿羅漢我非  
阿羅漢犯偷羅遮如是衣鉢薦席卧具等偷  
羅遮若比丘言某處敷種種卧具者彼比丘  
是須陁洹乃至阿羅漢我亦在彼波羅夷若  
比丘言我不墮地獄餓鬼畜生偷羅遮若說  
四沙門果犯波羅夷若比丘言我已離結使  
煩惱波羅夷比丘言於聲聞所得我已得波  
羅夷我修五根波羅夷五力七覺八道亦如  
是我於初禪退波羅夷乃至次第逆順修禪  
亦如是某卧處起初禪不與覺道枝相應偷  
羅遮欲作經語而說聖法偷羅遮我於施

所有偷羅遮我是佛偷羅遮我是天人師  
羅遮我是毗婆尸佛弟子波羅夷我得果波  
羅夷於龍所說過人法偷羅遮症人所龍症  
人所入定人所說偷羅遮先犯戒人說過人  
法突吉羅學戒人賊任本不和合人等說過  
人法亦如是我修慈悲喜捨故妄語波羅夷  
手印樹相偷羅遮說四波羅夷竟

十九紙

薩婆多部毗尼摩得勒伽卷第一 諸

摩得勒迦

此云行母

堤塘

上二音

啼

駛

史二音

掘

求物反

迦締

下反田

擯

必反

突吉

上骨反

三藐

徒反

佛

下借聲

佛

藥反

佛

他

下唐亦云佛陟反髻髮或下莫班反漚盃下上馬侯反俚

陟上丘捺刻二同音創瘡字咽喉上音賭猪

二同張蚊廚直上音文下為枯而下正作權

如反針林二同之臘反郎荅擔擔反二同丁甘衣架下

非枳芻麻作上楚俱反多貸反他代櫛標苗二同必



Handwritten marginal notes on the left side of the page, including characters like '亦', '唐', '佛', '陟', '反', '髻', '髮', '或', '下', '莫', '班', '反', '漚', '盃', '下', '上', '馬', '侯', '反', '俚'.

